

Notariatsinstrument über einige Abänderungen des Testamentes Dr. Christoph Kuppener's aus Löbau in Preußen, Collegiaten des kleinen Fürstenkollegs. **Merseburg, 1509 Oct. 28.**

Hdschr.: Or. Perg. Archiv der Universität No. 24 mit wohlerhaltenem Siegel an Pergamentstreif.

Anm.: Vergl. hierzu Muther, Aus dem Universitäts- und Gelehrtenleben im Zeitalter der Reformation 129 sq.

5

In dem nhamen der heiligen undt ungeteylten dreyfaltikeit gots des vaters, ßones unnd deß heiligen geistes amen. Kunth und offenbar sey allermenniglich | durch laut unde inhalt dieszes offen instruments, daß nach Cristi unssers lieben herren geburt in funffzcehnhundersten unnde ym neunenden iare | in der zwelfften Romerzcael, indiction genant, unnter deme babsthum des allerheyligsten in got vaters und herrn, unßers herrn 10 Iulii von gotlicher vorsehunge | des andern babst diesses nhamens, seyner regierunge im sechsten iare, am tage Simonis unnde Iude der dho ist gewest der achtezcweynzigste tagk des weynmondes in meynee offenbar schreibers unnde hyr unnten beschrieben getzewegen hirzu ßunderlichen geruffen unnd gebeten gegenwertigkeit, ist persönlich erschynen der achtbar, hochgelarte unnde gstreng er Christophorus Coppener, der 15 freyen konsten geistlicher unnde werntlicher rechte doctor unnde ritter, geboren von der Lobaw in Prewssen, in seyner gutten volmögender gsuntheit unde vorstentlicher vornunfft, die ym got der almechtige auß barmhertzigem seynen gotlichen willen verlichen hat, und hat doselbst eyne voranderunge eyner donation inter vivos, zo er solliche irrevocabiler im iar der wynig zcael im achten laut eyns instruments unnde confirmation 20 des hochwirdigen in got vaters unnd herren, herren Tilen bisschofen zu Merßburg vorandert, gtan unde gemacht, wie folgende: Doß er vor die vierhundert fl. Reynisch, auff der stat Geyten gekofft, mit vier und zwenzic fl. R. iarliches zeynses gibt funffhundert Reynische golden bar zu den funffhundert die er von deme marschalke bezalt erlangt hat, unnde gibt also solliche tausent fl. R. donation inter vivos unwidderrufflichen, welche 25 hoptsumma er mit seynem studiren unnde sauer arbeit die er seyne lebetage vilmals in herren dinsten gtan hat unnd thun mußen vordynt unde erwurben hat unnde ist seynn peculium gewest castrense et quasi castense, lauter umb gots willen ummb selikeit seyner, seynes werks seligen unnde seyns geslechts der Coppener, als vil sollicher auß deme geschlechte der Coppener vorstorben seynn, zu enthaltunge anfenglichen zwelfff armer 30 menschen in deme nawen hospitali vor der Lobaw in Prewssen gebawet worden ist, gote deme almechtigen unnde seynem heiligen patronen, nemlichen sancte Anne, sancto Hieronimo, sancto Wolffgango, Rochio unde sancto Iohanni Baptiste unde den armen leuten in deme hospitali zu der Lobaw in Prewssen in der allerbesten weisse, masse, forme unnd gestalt als sollichs durch recht amb stendigsten gescheen sal kan unde magk, 35 unde hat solliche geeigent, gtan unde gegeben, sich teglich mit aller menschlichen notturefft dovon zu behelffen unnde zcu enthalten, unnde also dass man alletzeit vor die hoptsumma iarlicher renthe unde zeynsser, sechtzig fl. R. auff eynen widderkauff auff's wynigste kauffen ßal, dovon sollen die armen leute alle wochen eynen Reynischenn